



Fedje kommune

Møtebok for Kommunestyret

Møtedato: 07.04.2022
Møtestad: Skarvøyna/Slissøyna Fedje fleirbrukshall
Møtetid: 17:15 - 18:45

Møtedeltakarar	Parti
Stian Herøy	H
Bjørn Solbakk	Frp
Anna Marit Storemark	Ap
Gidske Borge Kolltveit	Ap
Kamilla Bjerkholt Karlsen	Ap
Marit Solbakk Øien	Frp
Otto-Andre Nordby	H
Paul Magnar Knapskog	H
Silje Sulen Gullaksen	H

Møtedeltakarar vara	Parti
Elin Iren Øien Solbakk	Frp
Ingard Kåre Kahrs	H
Jan Erling Borge	Ap
Kristin Aase	Ap
Ove Gunnar Nilsen	H
Rune Midtun Borgerød	Ap

Følgjande møtte frå administrasjonen:

Bjarte Villanger, Dagrun Gunnarson, Kristin Handeland, Olav Mongstad

Sakliste

Saknr	Tittel
014/22	Godkjenning av møteinnkalling og sakliste
015/22	Godkjenning av møtebok
016/22	Referatsaker
017/22	Tilsetjing av kommunedirektør 2022
018/22	Spørsmål om mottak av flyktningar frå Ukraina
019/22	Budsjettrullering ved årsavslutning 2021
020/22	Søknad om endring av skjenkeløyvet til Landsbykafeen AS
021/22	Søknad om fritak frå krav om meny/ á la carte-meny for skjenkeløyvet til Landsbykafeen
022/22	Søknad om skjenkeløyve, Jostein Husa einskildforetak org.nr.984 861 907
023/22	Eventuelt

Sakspapir

Sakshandsamar	Arkiv	ArkivsakID
Kristin Handeland	FE-033	22/149

Saksnr	Utval	Type	Dato
014/22	Kommunestyret	PS	07.04.2022

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Kommunestyret - 014/22

K - behandling:

K - vedtak:

Møteinnkalling og sakliste vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Kristin Handeland	FE-033	22/149

Saksnr	Utval	Type	Dato
015/22	Kommunestyret	PS	07.04.2022

Godkjenning av møtebok

Vedlegg:

Protokoll - Kommunestyret - 24.02.2022

Saksutgreiing:

Forslag til vedtak:

Møtebok frå sist møte vert godkjent.

Kommunestyret - 015/22

K - behandling:

K - vedtak:

Møtebok frå sist møte vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Kristin Handeland	FE-033	22/149

Saksnr	Utval	Type	Dato
016/22	Kommunestyret	PS	07.04.2022

Referatsaker

Underliggjande saker:

016/22.1. Sjukefråværsstatistikk for Fedje kommune 2021

016/22.2. Regional transportplan 2022-2033 - Oversending av handlingsprogram og investeringsprogram

016/22.3. Uakseptabel utvikling for Ringveg øst – og vegstrekninga Vågsbotn - Klauvaneset

016/22.4. årsrapport

016/22.5. 22/169 Informasjon om tilskuddsordning til frivillige organisasjoner som følge av ekstraordinære strømpriser

Saksutgreiing:

Forslag til vedtak:

Referatsaker vert tekne til orientering.

Kommunestyret - 016/22

K - behandling:

Kommunedirektøren orienterte om legetenesta. 3 nye søkjar til legestillinga.

K - vedtak:

Referatsaker vert tekne til orientering.

Samrøystes vedteken.

Sakspapir

Sakshandsamar	Arkiv	ArkivsakID
Olav Mongstad		22/102

Saksnr	Utval	Type	Dato
034/22	Formannskapet	PS	05.04.2022
017/22	Kommunestyret	PS	07.04.2022

Tilsetjing av kommunedirektør 2022

Kommunedirektør

Saksutgreiing:

Saksopplysningar

Stillinga som kommunedirektør vart lyst ledig med søknadsfrist 31. januar i år. Det kom 13 søkjarar innan fristen. Helge Tangen frå Alver kommune har bistått samansett utval i arbeidet med tilsetjingsprosessen. Utvalet vurderte 6 søkjarar som aktuelle til første gongs intervju. Ein av desse trekte søknaden sin, slik at 5 vart kalla inn til intervju.

I utlysinga vart det sagt dette om kva kommunen var på jakt etter i jobben:

Vi søker ein person som er:

- Systematisk, fleksibel og løysningsretta
- Oppteken av å løfte fram andre - - god rolleforståing
- Er interessert i og trivest med utviklingsoppgåver og innovasjon
- Gode samarbeidsevner og kommunikasjonsevner
- Robust og stor arbeidskapasitet - - klarer å stå i krevjande situasjonar og ta leiinga

Ordførar er den som har innhenta referansar. Han har og vore i dialog med søkjarar om å få fleire referansar hos enkelte.

I prosessen etter intervju, var det to kandidatar som peika seg ut etter utvalet si meining.

Etter ein prosess med dei to, stod utvalet igjen med Berit Rystad som vart kalla inn til andre gongs intervju 16. mars.

Berit Rystad er 55 år, ho er kommunalsjef for samfunnsutvikling i Osterøy kommune. Ho har til saman om lag 20 års erfaring frå kommunal sektor medrekna tida ho var tilsett hos Fylkesmannen (noverande Statsforvaltaren). Ho har og hatt stilling som assisterande rådmann. Ho har jobba inn mot rådmenn i tre kommunar. Kristiansand, Fjell og no Osterøy kommune. Dette er verdifull erfaring å ha med seg.

I søknaden sin trekkjer ho mellom anna fram erfaringa som arbeid med næringsutvikling både i Fjell og hos Statsforvaltaren då ho jobba der. For Fedje kan dette bli verdifull erfaring. Kommunen er

kome litt forbi startstreken med satsing på næringsutvikling basert på turisme. Arbeidet med kommuneplanen skal starte opp når ny kommunalsjef for teknisk startar i mai. Den nye kommunedirektøren si erfaring med dette arbeidet kan vere ein verdifull bakgrunn for å gå inn i dette arbeidet. Ho har arbeidd tett opp mot politisk nivå i samfunnsutviklarrolla si. Ho har og verdifull erfaring frå feltet då ho jobba hos Statsforvaltar. Ein kommunedirektør sin rolle vil alltid vere å jobbe i spenningsfeltet mellom lokale ynskje og Statsforvaltaren sine krav. Fedje vil oppleve mange av desse spenningsfelte framover.

Vurdering

Folkehelse, ikkje aktuelt
Miljø, ikkje aktuelt
Økonomi.

I arbeidskontrakten hennar er lønna sett til 1 070 000 kr pr. år. I tillegg betaling for internett m.m.

Konklusjon

Samansett utval innstiller at Berit Rystad vert tilsett som kommunaldirektør i Fedje. Ho vert lønna med ei årslønn på 1 070 000 kr. Etter avtale med henne startar ho i jobben på Fedje 25. juli.

Forslag til vedtak:

Berit Rystad vert tilsett som kommunaldirektør i Fedje. Ho startar i stillinga 25. juli. Lønna ved tilsetjing er 1 070 000 kr i årslønn.

Formannskapet - 034/22

F - behandling:

F - vedtak:

Berit Rystad vert tilsett som kommunaldirektør i Fedje. Ho startar i stillinga 25. juli. Lønna ved tilsetjing er 1 070 000 kr i årslønn.

Samrøystes vedteke.

Kommunestyret - 017/22

K - behandling:

K - vedtak:

Berit Rystad vert tilsett som kommunaldirektør i Fedje. Ho startar i stillinga 25. juli. Lønna ved tilsetjing er 1 070 000 kr i årslønn. Samrøystes vedteke

Sakspapir

Sakshandsamar	Arkiv	ArkivsakID
Olav Mongstad	FE-024, FA-F30	22/144

Saksnr	Utval	Type	Dato
037/22	Formannskapet	PS	05.04.2022
018/22	Kommunestyret	PS	07.04.2022

Spørsmål om mottak av flyktningar frå Ukraina

Vedlegg:
Oppmoding

Saksutgreiing: Saksopplysningar

Fedje kommune har fått førespurnad om å ta i mot 30 flyktningar frå Ukraina. Dette talet er stadfesta seinast i brev frå IMDI datert 18.03.22. Kommunen er beden om å sende inn vedtak på kor mange flyktningar ein kan ta imot innan 31.3.

Flyktningestraumen frå Ukraina er svært stor. I skrivande stund har talet på flyktningar ut frå Ukraina overstige 3 millionar. Arbeids- og inkluderingsdepartementet og IMDI (Inkluderings og integreringsdirektoratet), antyder at det kan kome 30 000 flyktningar frå Ukraina i tillegg til 3 450 overføringsflyktningar i 2022. Samstundes vert det og sagt at det kan kome opp mot 100 000 frå Ukraina.

Vurdering

Når eller om det kjem flyktningar til Fedje veit ingen, men rådmannen har etter dialog med ordførar, meldt inn at kommunen kan ta imot ca 30 personar. Det er til slutt kommunestyret som avgjer saka, men korte tidsfristar frå ein fredag til måndag innebar at det første svaret måtte sendast utan politisk handsaming i kommunestyret.

Fedje har tatt i mot syriske flyktningar tidlegare. Erfaringane frå det er verdifull i kommunen sitt arbeid med å førebu eit eventuelt mottak. Rådmannen har hatt eit møte med leiarar, Nav og Politiet der ein delte og drøfta erfaringane frå sist med sikte på å starte ny planlegging. Kommunen vil m.a. ha ansvar for

- Betale ut økonomiske ytingar til personane det gjeld. Utbetalinga vert gjort av Nav etter vedtekne satsar og lovverk.
- Tilby kommunale tenester som helse, barnehage, skule og vaksenopplæring
- Sikre eit akseptabelt butilbod.

I tillegg er det viktig med å tilby fritidsaktivitetar for både barna og dei vaksne. Det er ei uttalt målsetjing å få flyktningane i arbeid. Dette blir eit prioritert arbeid.

Folkehelse

Helsesjekk vil vere viktig og noko av den første kartlegginga som må gjerast. Vi ser for oss å få personar som har gjennomgått og vil gjennomgå store traumer. Det vert derfor viktig med oppfølging på det personlege planet her.

Miljø Økonomi

Staten har signalisert at dei vil betale ut etter liknande satsar som ved førre mottak. Kommunen vil motta integreringstilskot i 5 år og tilskot til vaksenopplæring i tre år. Som første tiltak bør kommunen lyse ut og tilsetje ein flyktningsesekretær. Vedkomande skal på ingen måte gjere alt arbeidet med flyktningane, men vere ein som koordinerer dei ulike tiltake som må setjast inn. Finansiering av ei slik stilling må gjerast av midlane kommunen får overført til arbeidet.

I skrivet frå IMDI er satsane slik:

1.integreringstilskot einslege vaksne kr 234 900 per år

integreringstilskot vaksne og barn i familiar kr 189 400 per år

integreringstilskot einslege mindreårige kr 182 300 per år

barnehagetilskot, barn 0—5 år kr 27 100 per år

eldretilskot, fylt 60 år ved busetting kr 176 000 per år

Når det gjeld tilskot for opplæring i norsk og samfunnskunnskap, er satsane inndelt i persontilskot og grunntilskot. Satsane fylgjer det mønsteret kommunen mottok då dei busette syriske flyktningar.

Satsane ovanfor er det kommunen mottek som tilskot. Det skal m.a. dekke arbeid med flyktningar, barnehageplass og skuleplass. I tillegg får altså kommunen tilskot til vaksenopplæring gjennom introduksjonsprogrammet.

Utbetaling direkte til dei som kjem, vert gjort gjennom Nav etter vedtekne satsar og lovverk.

Konklusjon

Fedje kommune vil ta imot minst 30 flyktningar frå Ukraina. Kommunedirektøren får i oppgåve å bemanne opp administrasjonen og dei tenestene som treng det for å kunne tilby gode kommunale tenester for dei som vert busett i kommunen frå Ukraina

I tillegg må kommunedirektøren ha fullmakt til å disponere tilskota kommunen mottek for tiltaket. Vi mottek integreringstilskot og tilskot til opplæring i introduksjonsprogrammet. Det kan bli

aktuelt å tildele flyktningane eit startstilskot når dei kjem. Dette fordi det kan ta nokre dagar å få ordna det formelle med vedtak og utbetaling gjennom Nav. Rådmannen må ha fullmakt til å lage til ei slik ordning i dialog med Nav.

Forslag til vedtak:

Fedje kommune vil ta imot 30 ukarinske flyktningar slik IMDI ber om. Kommunedirektøren får i oppgåve å bemanne opp administrasjonen og dei tenestene som kommunen treng for å kunne gi flyktningane eit velfungerande butilbod i Fedje.

Kommunedirektøren får og fullmakt til å inngå leigeavtalar om eventuelle bustader til formålet. Kommunedirektøren har og fullmakt til å disponere tilskota kommunen mottok til formålet slik det går fram av lovverk og i saksutgreiinga i denne saka.

Fedje kommunestyre er klar over at mottak av 30 flyktningar også kan medføre familiegjening som kjem i tillegg til dei 30 det vert gjort vedtak om. Fedje kommunestyre er positiv til dette.

Formannskapet - 037/22

F - behandling:

F - vedtak:

Fedje kommune vil ta imot 30 ukarinske flyktningar slik IMDI ber om. Kommunedirektøren får i oppgåve å bemanne opp administrasjonen og dei tenestene som kommunen treng for å kunne gi flyktningane eit velfungerande butilbod i Fedje.

Kommunedirektøren får og fullmakt til å inngå leigeavtalar om eventuelle bustader til formålet. Kommunedirektøren har og fullmakt til å disponere tilskota kommunen mottok til formålet slik det går fram av lovverk og i saksutgreiinga i denne saka.

Fedje kommunestyre er klar over at mottak av 30 flyktningar også kan medføre familiegjening som kjem i tillegg til dei 30 det vert gjort vedtak om. Fedje kommunestyre er positiv til dette.

Samrøystes vedteke.

Kommunestyret - 018/22

K - behandling:

K - vedtak:

Fedje kommune vil ta imot 30 ukarinske flyktningar slik IMDI ber om. Kommunedirektøren får i oppgåve å bemanne opp administrasjonen og dei tenestene som kommunen treng for å kunne gi

flyktningane eit velfungerande butilbod i Fedje.

Kommunedirektøren får og fullmakt til å inngå leigeavtalar om eventuelle bustader til formålet. Kommunedirektøren har og fullmakt til å disponere tilskota kommunen mottak til formålet slik det går fram av lovverk og i saksutgreiinga i denne saka.

Fedje kommunestyre er klar over at mottak av 30 flyktningar også kan medføre familiegjenforening som kjem i tillegg til dei 30 det vert gjort vedtak om. Fedje kommunestyre er positiv til dette.

Samrøystes vedteke.

Sakspapir

Sakshandsamar	Arkiv	ArkivsakID
Bjarte Villanger	FE-153	21/293

Saksnr	Utval	Type	Dato
036/22	Formannskapet	PS	05.04.2022
019/22	Kommunestyret	PS	07.04.2022

Budsjettrullering ved årsslutning 2021

Saksutgreiing:

Saksopplysningar

Årleg budsjettregulering ved årsslutt. Det er eit krav at kommunestyret skal gjera vedtak om endringar i budsjettet.

Vurdering

	INVESTERING	Art	Budsjett	Endring	Nytt budsjett	MVA
Skule	222007 – NY LEIKEPlass <i>Kjøp bygg og anleggstenester</i> Kommentar: <i>Meirutgifter</i>	32300	200'	60'	260'	JA
Skule	222008 – IKT UTSTYR <i>Inventar og utstyr</i> Kommentar: <i>Mindre innkjøp enn forventa</i>	32000	100'	-20'	80'	JA
Lege	233001 – KJØP AV LEGEPRAKSIS <i>Inventar og utstyr</i> <i>Aksjar og andelar</i> Kommentar: <i>Utkjøp av leasingavtale.</i>	32000 35290	0' 575'	152' -110'	152' 465'	JA NEI
Lege	233002 – NYTT LEGEKONTOR <i>Materialar til påkostning av bygg</i> Kommentar: <i>Meirutgifter.</i>	32500	526'	29'	555'	JA
Sjukaheim	261005 – VØLING AV TAK <i>Inventar og utstyr</i> Kommentar: <i>Hadde tilbod ute, men det vart for dyrt. Prøver på nytt i år med enklare løysing. 34' som er nytta, er til konsulent.</i>	32000	400'	-366'	34'	JA
Sjukaheim	261006 – ØHD-SENGEPOST <i>Kjøp bygg og anleggstenester</i> Kommentar: <i>Mindreutgifter. Vert nytta på lege.</i>	32300	694'	-169'	525'	JA
VAR	335001 – TØMMESTASJON FOR BUBILAR <i>Kjøp bygg og anleggstenester</i> Kommentar: <i>Prosjektet er gjennomført. Vart dyrare enn rekna med</i>	32300	160'	152'	312'	JA
VAR	353001 – PUMPESTASJON KOPPER <i>Kjøp bygg og anleggstenester</i> Kommentar: <i>Ikkje gjennomført pga. av manglande kapasitet.</i>	32300	560'	-560'	0	JA
Gravplass	393002 – UTVIDING AV GRAVPLASSEN <i>Konsulenttenester</i> Kommentar: <i>Konsulenthonorar. Tilbod på opparbeiding kjem i år</i>	37200	160'	-105'	55'	JA
	SUM			-937'		

	FINASIERING	Art	Budsjett	Endring	Nytt budsjett	MVA
	222008 – IKT UTSTYR <i>Refusjon frå staten</i> Kommentar: <i>Tilskot for IKT-invaesteringar i skulen</i>	37000	0	-100'	-100'	
	315005 – SAL AV KOMMUNAL EIGEDOM <i>Sal av fast eigedom</i> Kommentar: <i>Ei tomt i Torvhaugane, bustadtomt i Husøyna, tomt på Svena til Søsterselskapet og sal i Uthaugundet.</i>	36700	0	-1 510'	-1 510'	
	8800 – INTERNE FINANSTRANSAKSJONAR <i>Bruk av lån</i> <i>Bruk av ubundne investeringsfond</i> <i>Avsetning til fond</i>	39100 39480 35480	-1 000' -1 350' 0	1 000' 1 350' 197'	0 0 197'	
	SUM			937'		

Konklusjon

Grunna ekstraordinære inntekter gjennom sal av eidegom, samt at nokre planlagte investeringar ikkje vart gjennomført – vert heile investeringsrekneskapen for 2021 finansiert av budsjetterte overføringar frå drifta.

Forslag til vedtak:

Budsjettet vert endra i tråd med tabellane i saksutgreiinga.

Formannskapet - 036/22**F - behandling:****F - vedtak:**

Budsjettet vert endra i tråd med tabellane i saksutgreiinga.

Samrøystes vedteke.

Kommunestyret - 019/22**K - behandling:****K - vedtak:**

Budsjettet vert endra i tråd med tabellane i saksutgreiinga.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-027, FA-U63	22/113

Saksnr	Utval	Type	Dato
039/22	Formannskapet	PS	05.04.2022
020/22	Kommunestyret	PS	07.04.2022

Søknad om endring av skjenkeløyyvet til Landsbykafeen AS

Vedlegg:

Søknad om skjenkeløyve

kart

Oversikt innlevert dokumentasjon

Tilleggsinformasjon

Telefonsamtale med søker 15.03.22

Saksutgreiing:

Saksopplysningar

25.02.2022 mottok Fedje kommune søknad frå Landsbykafeen AS om endring i eksisterande skjenkeløyve. All dokumentasjon som er naudsynt for å behandle saka var levert 17.03.22.

Landsbykafeen søker om følgjande;

1) At stadfortreder for skjenkestyrar på skjenkeløyyvet til Landsbykafeen AS ikkje lenger vert Roald Mjelstad, men Sue Janne Alsaker.

2) At løyyvet vert utvida slik at det ikkje berre gjeld eksisterande område i Stormarkvegen 4, men også Muren 4 (også kjent som Pernillekafeen)

Dei søker og om fritak frå menykravet i alkoholpolitisk plan, men dette vert sendt til politisk behandling i eige saksframlegg.

Søknadar om skjenkeløyve, verksemdsoverdragingar og endring av løyyve har ein del krav til dokumentasjon for at kommunen skal kunne forvisse seg om at krava i alkohollova med forskrift er stetta. Ei oversikt over dokumentasjonen i denne saka ligg vedlagt. Innsendt dokumentasjon er tilfredsstillande.

Det er to spørsmål som skal verte vurdert:

1) Endring av stadfortreder: Det er levert dokumentasjon på at Sue Janne Alsaker innfrir krava til å vere stadfortreder for skjenkeløyyvet til Landsbykafeen AS. Kommunedirektøren innstiller difor på denne endringa.

2) Utviding av eksisterande skjenkeløyve til ny adresse: Her er det nokre prinsipielle spørsmål som kommunestyret må ta stilling til.

Utgangspunktet i alkohollova er at eit skjenkeløyve vert gjeve til eit lokale:

Alkohollova § 4-2 4.ledd. Omfanget av bevillingen. (...)Bevillingen gjelder for et bestemt lokale og en bestemt type virksomhet. Bevillingen kan for en enkelt anledning utvides til å gjelde også utenfor skjenkelokalet. (...)

Grunnen til dette er formålet til alkohollova:

§ 1-1.Lovens formål. Reguleringen av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i dette sikter loven på å begrense forbruket av alkoholholdige drikkevarer.

I tråd med formålsparagrafen, er det han/ho som er skjenkestyrarar for eit løyve som har ansvar for at alle tilsette på skjenkestaden til ei kvar tid har den naudsynte opplæring og kontroll med at lov og forskrift vert følgd. Difor er det avgrensingar på kor mange lokale eit skjenkeløyve kan dekke, i motsetning til t.d. serveringsløyve der ein kan ha eit løyve for fleire restaurantar. I Helsedirektoratet sin rettleiar til alkohollova står det at ein ikkje kan vere skjenkestyrar eller avløyssar for skjenkestyrar på meir enn eit løyve. Ein bør heller ikkje vere skjenkestyrar ein plass, og avløyssar eit anna. Som skjenkestyrar/avløyssar skal ein vere tett på den daglege drifta, slik at ein har nødvendig og forsvarleg tilsyn med at lova og forskrifta vert følgd i praksis. I Fedje kommune har me pr. i dag to løyve som står med same skjenkestyrar. Kommunedirektøren (den gong rådmannen) var ikkje klår over problemstillinga då løyva vart gjeve - og hadde det difor heller ikkje med i si saksutgreiing den gong. Det gjeld skjenkeløyvet til Landsbykafeen AS og Feddie Distillery AS, som begge har Arild Mjelstad som skjenkestyrar.

Det at løyvet er knytt til eit bestemt lokale handlar også om høvet til å vere tett på den daglege drifta. Helsedirektoratet sin rettleiar om alkohollova seier følgjande om lokale:

4.2.5 Bestemt lokale

Etter fjerde ledd må skjenkebevillinger knyttes til et bestemt angitt lokale. Med "et bestemt lokale" menes det at arealet hvor skjenkingen skal foregå, må være klart avgrenset og fremstå som ett skjenkested. Skjenking kan bare skje i de lokalene som er omfattet av bevillingen. I praksis må bevillingshaver derfor fremlegge en arealbeskrivelse som kan legges til grunn for søknadsbehandlingen og fastsettelse av skjenkearealet. Dette arealet bør også fremgå av bevillingsvedtaket.

En skjenkebevilling er både knyttet til bevillingshaver og et bestemt lokale. Hvis virksomheten ikke lenger drives i de samme lokalene som da bevillingen ble gitt, bortfaller bevillingen. Dette vil for eksempel også være tilfelle dersom virksomheten flyttes fra en etasje til en annen eller mellom lokaler i samme bygg, så lenge ingen del av de opprinnelige lokalene benyttes. Det er uten betydning om virksomheten beholder samme gårds- og bruksnummer.

Også betydelige utvidelser av lokalene krever ny bevillingssøknad. Eventuelt avslag vil likevel bare gjelde utvidelsen søknaden gjelder. Ved mindre innskrenkninger eller utvidelser av lokalene til tilstøtende lokaler vil dette anses som samme lokale og endringen kan skje uten ny bevillingssøknad. En bevilling kan unntaksvis omfatte lokaler som er atskilt. Det avgjørende vil være i hvilken grad bevillingsmyndigheten etter omstendighetene finner det rimelig å betrakte de atskilte lokalene som én og samme skjenkevirksomhet og om bevillingshaveren vil være i stand til å føre nødvendig og

forsvarlig tilsyn med skjenkingen i lokalene. Dette kan ikke avgjøres på generelt grunnlag, men må vurderes av bevillingsmyndighetene ut fra omstendighetene i den enkelte sak.

Vurdering av utviding av skjenkeløyve:

For å vurdere Landsbykafeen AS sin søknad om å utvide sitt faste skjenkeløyve til å gjelde eit nytt lokale, må ein altså vurdere om Landsbykafeen då vil klare å følgje opp nødvendig og forsvarleg tilsyn med at lov og forskrift vert følgd:

1. **To hus tett i tett.** Søkjar argumenter med at det berre er 45 meter mellom dei to lokala, og at det ikkje er trafikkhindringar eller sjø i mellom. Det er relativt sett små lokale, og dei tilsette skal jobbe begge stader. Dei legg opp til felles drift. Sett i lys av dette, burde det vere mogleg å ha tilsyn begge plassar reint praktisk.

Men ei slik løysing krev avklaring på kvar grensa skal gå, slik at me kan behandle andre seinare søkjarar likt. Om kommunen vel å innvilge innafor eit avstandskrav, t.d. ikkje lenger avstand enn 50 meter og ikkje trafikale/fysiske hindringar mellom skjenkestadane, kan det t.d. innebere at Landsbykafeen kan søkje om å utvide sitt løyve til også gjelde Feddie Distillery. Feddie Distillery har i dag skjenkeløyve for ein del av lokalet sitt i Muren 1.

2. **Kor mykje rekk ein skjenkestyrar?** Om Fedje kommune gjev utviding av Landsbykafeen AS til å omfatte Pernille, vil me ha ein skjenkestyrar (Arild Mjelstad) på 3 lokale fordelt på 2 faste skjenkeløyve i Fedje kommune. Ut frå rettleiaren til Helsedirektoratet er det vanskeleg å sjå at dette er i tråd med intensjonen i alkohollova.

Me har innhenta råd frå skjenkekontoret i Bergen. Bergen kommune gjev aldri utviding til anna adresse på eit løyve, heller ikkje om det ligg vegg i vegg. Ei bedrift kan ha mange restaurantar t.d., men dei må ha eige skjenkeløyve på kvar adresse. Deira grunngjeving er at skjenkestyrafunksjonen er såpass viktig og omfattande, og skal verte skjøtta av nokon som arbeider/er til stades på skjenkestaden, og at ein difor ikkje kan vere skjenkestyrar eller avløyysar på meir enn ein skjenkestad.

Om kommunestyret vel å seie nei til utviding av løyvet, vil Landsbykafeen AS måtte starte ny prosess med å søkje eige skjenkeløyve for Pernille, med den saksbehandlingstid som ligg til det. Dei må skaffe ny skjenkestyrar og avløyssar som stettar krava (bestått skjenkeprøve og tilsetjing på skjenkestaden), og saka må opp i eit nytt kommunestyremøte. Dei skriv sjølv at dei då vil søkje enkelthøve/ambulerande løyve for lokalet i Muren 4, men det vil vere for seint å gjere for påsken 2022 sidan me må innhente uttale frå politiet.

Kommunedirektøren ønskjer å bidra til næringsutvikling på Fedje, og det gjer denne saka vanskeleg. På trass av mykje dialog og rettleiing frå sørvistorget før innsendt søknad, har det ikkje vore mogleg for Landsbykafeen AS å kome med søknad med nødvendig dokumentasjon før i siste liten. Det gjer handlingsrommet mindre.

Det er vanskeleg å sjå at søknaden om utviding fell lett på plass innafor gjeldande lov, forskrift og rettleiar. Om ein vel å innvilge søknaden, har ein vedteke ein ny praksis i Fedje kommune som eigentleg er meint som eit snevert unntak i lov og forskrift. På den andre sida har kommunen eit skjønnsom er lovfesta i alkohollova. Skjønnet gjeld riktig nok om ein skal innvilge skjenkeløyve, og ikkje om ein skal utvide skjenkeløyve. Den er også vanlegvis nytta som ein sikkerheitsventil for å kunne seie nei til ein søknad, ikkje til å innvilge, men kan vere relevant her:

§ 1-7a. Kommunens skjønnsutøvelse ved behandling av søknad om bevilling for salg eller skjenking m.v. Ved vurderingen av om bevilling bør gis, kan kommunen blant annet legge vekt på antallet salgs- og skjenkesteder, stedets karakter, beliggenhet, målgruppe, trafikk- og ordensmessige forhold, næringspolitiske hensyn og hensynet til lokalmiljøet for øvrig. Det kan også legges vekt på om bevillingssøker og personer som nevnt i [§ 1-7b](#) første ledd er egnet til å ha bevilling. Kommunen kan beslutte at det ikke skal gis mer enn et bestemt antall bevillinger til salg eller skjenking.

Faste vurderingspunkt:

Økonomi: Ved utviding av løyve i staden for eige løyve på Pernille, vil Landsbykafeen AS berre trenge å betale omsetningsavgift for eit løyve. Gebyret er vanlegvis 5400 kr/år for kvart løyve.

Folkehelse: Alkohollova er innført for å avgrense skadeverknadane av alkoholbruk i samfunnet.

Miljø: Ikkje relevant.

Med utgangspunkt i sakutgreiinga, meiner kommunedirektøren at kommunestyret har følgjande alternativ til vedtak:

Alternativ A: AVSLAG

Det vert gjort følgjande endringar i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Landsbykafeen AS får ikkje utvida skjenkeløyvet til også å gjelde Pernille/Muren 4. Grunngeving: Alkoholova § 4-2 4.ledd seier at eit skjenkeløyve gjeld eit bestemt lokale. Om ein ønskjer alkoholskjenking her, må søkjar søkje om eige skjenkeløyve for lokalet Pernille/Muren 4.

Alternativ B: INNVILGING MED OPPFORDRING

Det vert gjort følgjande endringar i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Skjenkeløyvet omfattar i tillegg til tidlegare skjenkeområde, også skjenkeområdet som søkt om på planteikning av serveringsområdet i Muren 4 1.etasje, med tilhøyrande inngjerda uteområde.

Elles er løyvet uendra med omsyn til lengde, opningstider, alkoholgrupper mm.

Utviding av løyve vert innvilga fordi det er mindre enn 50 meter mellom skjenkestadane, utan trafikale/andre hindringar i mellom.

Fedje kommune ber om at Landsbykafeen og/eller Feddie Distillery snarast, og seinast innan 01.08.2022 søkjer om ny stadfortreder på eit av løyva.

Alternativ C: INNVILGING

Det vert gjort følgjande endringar i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Skjenkeløyvet omfattar i tillegg til tidlegare skjenkeområde, også skjenkeområdet som søkt om på planteikning av serveringsområdet i Muren 4 1.etasje, med tilhøyrande inngjerda uteområde.

Elles er løyvet uendra med omsyn til lengde, opningstider, alkoholgrupper mm.

Utviding av løyve vert innvilga fordi det er mindre enn 50 meter mellom skjenkestadane, utan trafikale/andre hindringar i mellom.

Konklusjon

Kommunedirektøren har tvilt seg fram til å innstille på alternativ B. Alternativ B inneber at me gjer eit snevert unntak i lov/forskrift til regel på Fedje. Det kan vere nødvendig fordi me er så små, og det er små lokale/skjenkestader det er snakk om.

Me oppfordrar til å få rydda opp i skjenkestyrarfunksjonen slik at me oppfyller formålsparagrafen i alkoholova om forsvarleg og nødvendig tilsyn. Me kan derimot ikkje pålegge det etter kommunedirektøren si vurdering, sidan me med å seie ja til søknaden om utviding også opnar for felles skjenkeløyve på alle tre skjenkestader: Feddie Distillery, Landsbykafeen og Pernille.

Forslag til vedtak:

Det vert gjort følgjande endringar i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Skjenkeløyvet omfattar i tillegg til tidlegare skjenkeområde, også skjenkeområdet som søkt om på planteikning av serveringsområdet i Muren 4 1.etasje, med tilhøyrande inngjerda uteområde.

Elles er løyvet uendra med omsyn til lengde, opningstider, alkoholgrupper mm.

Utviding av løyve vert innvilga fordi det er mindre enn 50 meter mellom skjenkestadane, utan trafikale/andre hindringar i mellom.

Fedje kommune ber om at Landsbykafeen og/eller Feddie Distillery snarast, og seinast innan 01.08.2022, søker om ny stadfortreder på eit av skjenkeløyva.

Formannskapet - 039/22

F - behandling:

Feil i sakspapiret oppdaga. Siste avsnitt i kommunedirektøren sitt framlegg til vedtak skal vere: *Fedje kommune ber om at Landsbykafeen og/eller Feddie Distillery snarast, og seinast innan 01.08.2022, søker om ny skjenkestyrar på eit av skjenkeløyva.*

Endringsframlegg frå Stian Herøy (H):

Det vert gjort følgjande endring i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Det vert gjort følgjande mellombelse utviding av skjenkeløyvet til Landsbykafeen AS frå 08.04.2022 t.o.m. 30.09.2022:

Skjenkeløyvet omfattar i tillegg til tidlegare skjenkeområde, også skjenkeområdet som søkt om på planteikning av serveringsområdet i Muren 4 1. etasje, med tilhøyrande inngjerda uteområde.

Elles er løyvet uendra med omsyn til lengde, opningstider, alkoholgrupper mm.

Utviding av løyve vert mellombels innvilga fordi det er mindre enn 50 meter mellom skjenkestadane, utan større hindringar i mellom.

Grunngjeving: Fedje kommune ønskjer at det er ulike skjenkestyrarar på ulike løyve, og at det er eit lokale pr. faste skjenkeløyve for å sikre forsvarleg tilsyn med etterleving av alkohollova.

Endringsframlegg frå Kamilla Kalsen (Ap):

Det vert gjort følgjande endringar i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Landsbykafeen AS får ikkje utvida skjenkeløyvet til også å gjelde Pernille/Muren 4. Grunngjeving: Alkohollova § 4-2 4.ledd seier at eit skjenkeløyve gjeld eit bestemt lokale. Om ein ønskjer alkoholskjenking her, må søkjar søkje om eige skjenkeløyve for lokalet Pernille/Muren 4.

Framlegg frå Herøy vart sett opp mot framlegg frå Karlsen. Herøy sitt framlegg vart vedteke med 3 mot 2 røyster. Kamilla Karlsen og Marit Øien røysta for Karlsen sitt framlegg til vedtak.

Ingen røysta for kommunedirektøren sitt framlegg til vedtak.

F - vedtak:

Det vert gjort følgjande endring i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Det vert gjort følgjande mellombelse utviding av skjenkeløyvet til Landsbykafeen AS frå 08.04.2022 t.o.m. 30.09.2022:

Skjenkeløyvet omfattar i tillegg til tidlegare skjenkeområde, også skjenkeområdet som søkt om på planteikning av serveringsområdet i Muren 4 1. etasje, med tilhøyrande inngjerda uteområde.

Elles er løyvet uendra med omsyn til lengde, opningstider, alkoholgrupper mm.

Utviding av løyve vert mellombels innvilga fordi det er mindre enn 50 meter mellom skjenkestadane, utan større hindringar i mellom.

Grunngjeving: Fedje kommune ønskjer at det er ulike skjenkestyrarar på ulike løyve, og at det er eit lokale pr. faste skjenkeløyve for å sikre forsvarleg tilsyn med etterleving av alkohollova.

Vedteke med 3 mot 2 røyster. Stian Herøy (H), Bjørn Solbakk (Frp) og Hans Erik Waage (Ap) røysta for framlegget.

Kommunestyret - 020/22

K - behandling:

Endringsforslag, foreslått av Elin Iren Øien Solbakk, Framstegspartiet

Utviding av løyve vert mellombels innvilga midlertidig slik at søkjar får mulighet til å koma tilbake med ny sjenkesøknad.

Tilleggsforslag, foreslått av Anna Marit Storemark, Arbeiderpartiet
Dette presiserast å vere eit einskildhøve

Nytt forslag, foreslått av Kamilla Bjerkholt Karlsen, Arbeiderpartiet

Det vert gjort følgjande endringar i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Landsbykafeen AS får ikkje utvida skjenkeløyvet til også å gjelde Pernille/Muren 4. Grunngeving:

Alkoholova § 4-2 4.ledd seier at eit skjenkeløyve gjeld eit bestemt lokale. Om ein ønskjer

alkoholskenking her, må søkjar søkje om eige skjenkeløyve for lokalet Pernille/Muren 4.

Kommunestyre oppmodar Landsbykafeen AS å søke ambulerande løyve til eventuell ny søknaden er vedteken.

RETNINGSLINJER FOR AMBULERANDE SKJENKELØYVE OG LØYVE FOR ENKELTHØVE I FEDJE
KOMMUNE vert endra ved å stryke "over 18 år" i punkt 8.

Det vart røysta over formannskapet si innstilling med ein dei endringane som var gjort i møte, dette forslaget vart sett opp mot framlegget frå Kamilla B K Karlsen. Innstillinga frå formannskapet med endringar gjort i møtet vart vedteke med 10 røyster. Forslaget frå Kamilla B K Karlsen fekk 5 røyster.

K - vedtak:

Det vert gjort følgjande endring i skjenkeløyvet til Landsbykafeen AS frå 08.04.2022:

Stadfortreder for skjenkeløyvet er Sue Janne Alsaker.

Det vert gjort følgjande mellombelse utviding av skjenkeløyvet til Landsbykafeen AS frå 08.04.2022
t.o.m. 30.09.2022:

Skjenkeløyvet omfattar i tillegg til tidlegare skjenkeområde, også skjenkeområdet som søkt om på planteikning av serveringsområdet i Muren 4 1. etasje, med tilhøyrande inngjerda uteområde.

Elles er løyvet uendra med omsyn til lengde, opningstider, alkoholgrupper mm.

Utviding av løyve vert mellombels innvilga midlertidig slik at søkjar får mulighet til å koma tilbake med ny sjenkesøknad. Det presiserast at utvidinga av løyvet er eit eingongs tilfelle.

Grunngeving: Fedje kommune ønskjer at det er ulike skjenkestyrarar på ulike løyve, og at det er eit lokale pr. faste skjenkeløyve for å sikre forsvarleg tilsyn med etterleving av alkoholova.

Vedteke med 10 mot 5 røyster. Kamilla B K Karlsen (Ap) Rune Borgerød (Ap) Kristin Aase (Ap) Gidske Borge Kolltveit (Ap) og Marit Øyen (Frp) røysta for forslag framsett av Kamilla B K Karlsen.

Sakspapir

Sakshandsamar	Arkiv	ArkivsakID
Signe Råheim	FE-027, FA-U63	22/113

Saksnr	Utval	Type	Dato
040/22	Formannskapet	PS	05.04.2022
021/22	Kommunestyret	PS	07.04.2022

Søknad om fritak frå krav om meny/ á la carte-meny for skjenkeløyvet til Landsbykafeen

Vedlegg:

Alkoholpolitisk plan 2020- 2024, oppdatert av kommunestyret 28.10 .21

Saksutgreiing:

Saksopplysningar

25.02.2022 mottok me søknad frå Landsbykafeen om å få utvida sitt faste skjenkeløyve til også å gjelde Muren 4, kalla «Pernille». I samband med denne søknaden, søkjer dei om fritak frå kravet i lokal forskrift (alkoholpolitisk plan) om at faste løyve skal ha fast meny eller á la carte meny for Landsbykafeen.

I søknaden skriv dei at Pernille skal i hovudsak ha all matservering, mens uteservering i all hovudsak skal skje på Landsbykafeen. Søkjar ser på Pernille og Landsbykafeen som eit og same serverings- og skjenkestad, og meiner difor dei dekkjer inn kravet om meny gjennom matserveringa som skal føregå på Pernille. Dei ser for seg at Pernille skal ha heilårsdrift, medan Landsbykafeen sin drift vert meir sesongprega. Landsbykafeen skal servere snacks og «småmat», men dei ønskjer altså unntak frå kravet om fast meny på sjølve Landsbykafeen.

Det er mindre enn eit år sida Landsbykafeen søkte om fritak frå kravet om fast meny/á la carte-meny. Den søknaden vart avslege av eit samrøystes kommunestyre i sak 046/21.

Alkoholpolitisk plan med lokal forskrift for sal, servering og skjenking ligg ved. Planen/forskrifta vart sist revidert i kommunestyresak 073/21. Det vart ikkje gjort endringar i punktet om krav til meny. Dette punktet er det same som det var etter drøftinga i kommunestyret 11.06.2022.

Del II Forskrift om sals-, skjenke- og opningstider i Fedje kommune seier følgjande i punkt 2, andre avsnitt:

Faste løyve skal ha krav om fast meny eller á la carte-meny. Bedrifter som driv med produksjon av alkohol og søkjer skjenkeløyve er friteke for kravet om meny eller á la carte meny. Det er ikkje krav til fast meny eller á la carte meny når ein nyttar ambulerande løyve eller løyve ved enkelt høve.

Vurdering

Kravet om fast meny/á la carte meny ligg i den lokale forskrifta, og ikkje i alkoholforskrifta. Det ligg slik sett ein moglegheit for kommunestyre å gje dispensasjon frå eigen forskrift, men høve til dispensasjon står ikkje omtalt i forskrifta.

Alkoholpolitisk plan vart behandla og revidert i juni 2020 av sittande kommunestyre. Kommunedirektøren innstilte då på å ta vekk kravet om meny i den lokale forskrifta, fordi det er vanskeleg å handheve. Kommunestyret ønskte å ha det med i forskrifta for dei faste løyva, og gjorde ingen endringar.

Ei viktig side ved å gje dispensasjon frå lokale forskrifter og reglar, er om me kan gjere det same for eventuelle andre søkjarar og med kva grunngjeving. Om me får tilsvarende søknad frå andre aktørar, vil me kunne gje dispensasjon for dei også? Viss det skjer vil det kanskje vere på sin plass med ny rullering av alkoholpolitisk plan, som kommunestyre, sjølvsagt kan be kommunedirektøren om.

Kommunedirektøren følgjer kommunestyret sin vedtekne forskrift i saka, og innstiller difor på å ikkje gje dispensasjon frå kravet om fast meny/à la carte-meny for å ha fast skjenkeløyve.

Konklusjon

Landsbykafeen AS får ikkje dispensasjon frå kravet i *Alkoholpolitisk Plan for Fedje kommune, Del II Forskrift om sals-, skjenke- og opningstider i Fedje kommune* om fast meny/à la carte-meny for faste skjenkeløyve fordi kommunestyret for kortare enn eit år sidan stadfesta at dei ønskte at dette skulle vere eit krav til faste skjenkeløyve med to konkrete unntak som ikkje er aktuelle for denne søknaden.

Forslag til vedtak:

Landsbykafeen AS får ikkje dispensasjon frå kravet i *Alkoholpolitisk Plan for Fedje kommune, Del II Forskrift om sals-, skjenke- og opningstider i Fedje kommune* om fast meny/à la carte-meny for faste skjenkeløyve. Kravet gjeld alle lokasjonar i skjenkeløyvet.

Formannskapet - 040/22

F - behandling:

F - vedtak:

Landsbykafeen AS får ikkje dispensasjon frå kravet i *Alkoholpolitisk Plan for Fedje kommune, Del II Forskrift om sals-, skjenke- og opningstider i Fedje kommune* om fast meny/à la carte-meny for faste skjenkeløyve. Kravet gjeld alle lokasjonar i skjenkeløyvet.

Samrøystes vedteke.

Kommunestyret - 021/22

K - behandling:

K - vedtak:

Landsbykafeen AS får ikkje dispensasjon frå kravet i *Alkoholpolitisk Plan for Fedje kommune, Del II Forskrift om sals-, skjenke- og opningstider i Fedje kommune* om fast meny/à la carte-meny for faste skjenkeløyve. Kravet gjeld alle lokasjonar i skjenkeløyvet.

Samrøystes vedteke.

Sakspapir

Sakshandsamar	Arkiv	ArkivsakID
Kristin Handeland	FE-027, FA-J48	22/84

Saksnr	Utval	Type	Dato
038/22	Formannskapet	PS	05.04.2022
022/22	Kommunestyret	PS	07.04.2022

Søknad om skjenkeløyve, Jostein Husa einskildforetak org.nr.984 861 907

Vedlegg:
Skjenkebevilling
Kart

Saksutgreiing:

Me syner til søknad om skjenkeløyve motteke 11.02.22.

All dokumentasjon for å kunna behandla søknaden var komen inn til kommunen 18.03.22. Jostein Husa, einskildforetak org.nr.984 861 907 har søkt om skjenkeløyve i "Løa".

For alkohol i gruppe I, II og III.

"Løa" har adresse Stormarkvegen 150, gnr.172/bnr.243.

Jostein Husa einskildforetak org.nr.984 861 907 har søkt om skjenkeløyve inne og ute, slik det kjem fram av søknad og plankartet som ligg ved søknaden.

Følgjande dokumentasjon er levert:

Søknad – levert 11.02.22.

Dokumentasjon på serveringsløyve – levert 11.02.22.

Planteikning over skjenke/serveringsområdet- levert 11.02.22.

Skatteattest for han/ho som søker løyve og eigarar som har ein vesentleg eigardel – Skatteattest for Jostein Husa, levert 11.02.22.

Diplom kunnskapsprøve styrar Jostein Husa er levert 11.02.22.

Diplom for avløysar Linda Husa er levert 18.03.22.

Firmaattest for han/ho som søker løyve og eigarar som har ein vesentleg eigardel – levert 11.02.22.

Dokumentasjon på at styrar og avløysar for styrar er tilsett ved salsstaden, eller eigarar – levert

11.02.22.

Bruksløyve frå bygningsmyndigheitene – levert 11.02.22.

Eigenerklæring/dokumentasjon internkontroll – levert 11.02.22.

Uttale frå politiet – kommunen mottok uttale frå politiet 24.02.22 politiet har ingen merknader til søknaden.

Uttale frå sosialtenesta (helse- og omsorgssjef) - Sosialtenesta sendte uttale 15.02.22 sosialtenesta har ingen merknader til søknaden.

Krav til dokumentasjon når ein søker skjenkeløyve er fastsett i Alkohollova. Det er Alkohollova, alkoholforskrifta, rettleiar frå Helsedirektoratet og Fedje kommune sin Alkoholpolitiske plan som ligg til grunn for saksbehandlinga av søknader om skjenkeløyve.

Kommunen sin skjønnsutøving, slik det står i alkohollova § 1-7a:

“...Kommunens skjønnsutøvelse ved behandling av søknad om bevilling for salg eller skjenking m.v. Ved vurderingen av om bevilling bør gis, kan kommunen blant annet legge vekt på antallet salgs- og skjenkesteder, stedets karakter, beliggenhet, målgruppe, trafikk- og ordensmessige forhold, næringspolitiske hensyn og hensynet til lokalmiljøet for øvrig. Det kan også legges vekt på om bevillingssøker og personer som nevnt i § 1-7b første ledd er egnet til å ha bevilling. Kommunen kan beslutte at det ikke skal gis mer enn et bestemt antall bevillinger til salg eller skjenking...”

Alkoholpolitisk plan Fedje kommune (K 073/21). Konkrete punkt her er: Skjenkestadane skal ha fast meny eller à la carte-meny. Skjenkestadane skal ha fast meny eller á la carte-meny. (Forskrift om sals, skjenke, og opningstider i Fedje kommune punkt 2) Opningstida er ein halv time lengre enn skjenketida – dersom ikkje anna er bestemt. (Punkt 3)

Vurdering

Klokkesletta det er søkt skjenkeløyve for inne og ute, er i samsvar med alkohollova, alkoholforskrifta, og Fedje kommune sin Alkoholpolitiskeplan. Alle krav til å få skjenkeløyve er oppfylt, i følge den dokumentasjonen som er lagt fram. Når kommunestyre behandla faste skjenkeløyver for perioden 2020 – 2024 11.06.20, og i kommunestyresak 069/20, vedtok kommunestyret å gje same skjenketid for alle skjenkeløyva. Skjenketida for dei faste løyva me har i kommunen for perioden 2020 – 2024 er:

Måndag – laurdag kl. 0800 – 0200. Sundag og helgedagar kl. 1200-0200. Skjenketid for alkoholgruppe III er kl. 1300 til 0200 alle dagar.

På bakgrunn av dei vedtaka kommunestyret vedtok 11.06.20, og i kommunestyresak 069/20, vil det

vera naturleg å rå til at Jostein Husa får org.nr.984 861 907 same skjenketid.

Konklusjon

Kommunedirektøren rår til at Jostein Husa einskildforetak org.nr.984 861 907 får skjenkeløyve for alkohol i gruppe I, II, og III i "Løa" inne i dei to lokala som heiter "spisested" på plankartet, ute for det områda som er teikna inn på kartet. Jostein Husa får skjenkeløyve for gruppe I, II, og III.

Løyve har fyljande skjenketider:

Måndag – laurdag kl. 0800 – 0200. Sundag og helgedagar kl 1200 -0200. Skjenketid for alkoholgruppe III er kl 1300 til 0200 alle dagar. Skjenkestadane skal ha fast meny eller à la carte-meny.

Det følgjer av Alkoholova § 3-9 § 4-4 § 4-7 at kvar skjenkestad har eit sjølvstendig ansvar for at løyve vert halde i samsvar med alkoholova sitt føremål. Utskjenka alkoholhaldig drikk må opphøyra seinast 30 minuttar etter skjenketidas utløp.

Forslag til vedtak:

Jostein Husa einskildforetak org.nr.984 861 907 får skjenkeløyve for gruppe I, II og III i lokala som er merka "spisested" inne i "Løa" og skjenkeløyve på uteområdet som er merka på teikninga. Jostein Husa får skjenkeløyve med følgjande skjenketider:

Måndag – laurdag kl. 08.00 - kl. 02.00

Søndag og helligdagar kl. 12.00 – kl. 02.00.

Skjenketid for alkoholgruppe III er kl. 13.00 - kl.02.00 alle dagar.

Skjenkestadaden skal ha fast meny eller à la carte-meny.

Løyvet gjeld frå 08.04.2022 til og med 30.09.2024. Styrar for løyvet er Jostein Husa, avløyser for løyvet er Linda Husa.

Formannskapet - 038/22

F - behandling:

F - vedtak:

Jostein Husa einskildforetak org.nr.984 861 907 får skjenkeløyve for gruppe I, II og III i lokala som er merka "spisested" inne i "Løa" og skjenkeløyve på uteområdet som er merka på teikninga. Jostein Husa får skjenkeløyve med følgjande skjenketider:

Måndag – laurdag kl. 08.00 - kl. 02.00

Søndag og helligdagar kl. 12.00 – kl. 02.00.

Skjenketid for alkoholgruppe III er kl. 13.00 - kl.02.00 alle dagar.

Skjenkestaden skal ha fast meny eller à la carte-meny.

Løyvet gjeld frå 08.04.2022 til og med 30.09.2024. Styrar for løyvet er Jostein Husa, avløyser for løyvet er Linda Husa.

Samrøystes vedteke.

Kommunestyret - 022/22

K - behandling:

K - vedtak:

Jostein Husa einskildforetak org.nr.984 861 907 får skjenkeløyve for gruppe I, II og III i lokala som er merka "spisested" inne i "Løa" og skjenkeløyve på uteområdet som er merka på teikninga. Jostein Husa får skjenkeløyve med følgjande skjenketider:

Måndag – laurdag kl. 08.00 - kl. 02.00

Søndag og helligdagar kl. 12.00 – kl. 02.00.

Skjenketid for alkoholgruppe III er kl. 13.00 - kl.02.00 alle dagar.

Skjenkestaden skal ha fast meny eller à la carte-meny.

Løyvet gjeld frå 08.04.2022 til og med 30.09.2024. Styrar for løyvet er Jostein Husa, avløysar for løyvet er Linda Husa.

Samrøystes vedteke.

Sakspapir

Sakshandsamar	Arkiv	ArkivsakID
Kristin Handeland	FE-033	22/149

Saksnr	Utval	Type	Dato
023/22	Kommunestyret	PS	07.04.2022

Eventuelt

Saksutgreiing:

Forslag til vedtak:

Kommunestyret - 023/22

K - behandling:

Spørsmål frå Kamilla B K Karlsen (Ap)

Det nærmar seg vår og som vi har hatt opp før har det vore dumpa ein del masse av jord og liknande ved hovudvegen i nærleiken av drikkevatnet. Det har komen meg for øyret at det er heilt ulovleg å dumpe avfall i nærleiken av drikkevatn.

Har kommunen tatt sitt ansvar som forureinsingsmyndigheit på alvor her?

Kva for tankar har kommunen rundt tilsig i vatnet?

Ordførar svarte:

Det er avfallsstoff etter produksjon av øl som er lagt på ei flate som har hell inn mot vatnet. No er dette dekket til med jord.

Det er gjort forsøk med å nytta stoffet mellom anna til for. Avfallsstoffet er etter korn og blir kalla Mask. Det låg først ope, men er no dekket av jord. Avfallsstoffet er prøvd avhenda til ulike føremål. Dette er under utprøving. Dei er på jakt etter å finne meir endelege løysingar enn det som hittil er gjort.

Vi kan leggje til at Hansa Bryggeri leverer avfallsstoff etter si ølbrygging mellom anna til bønder.

Vatnet kommunen hentar drikkevatn frå har inntaket langt borte frå der massane er lagt. Inntaket ligg på ca 10 m. djupne. Til vatnet er det avsig frå fugl, hjort og kloakk frå hus. Det som det her er snakk om er avfallsstoff etter naturprodukt.

Etter lov og forskrifter skal det takast minst 4 vassprøvar i året. Fedje tek 12 vassprøvar pr. år. Alle vassprøvene har vore fine

Spørsmål frå Silje S Gullaksen (H)

I budsjettmøtet i desember vedtok me å ferdigstille rundløype med gapahuk og trimapparat.

Kva har blitt gjort så langt og kor tid kan me forventa oppstart og ferdigstilling av prosjektet.

Ordførar svarte:

Det er sendt søknad om tippemiddla, det er forventa svar på søknaden i juni 2022. Om ein ikkje får innvilga tippemiddlar, må ein på nytt sjå på saka og finna ut kva som må til for at me kan få tippemiddlar til dette prosjektet.

I det samme budsjettmøtet bevilga me pengar til oppgradering av bowlinganlegget. Kor tid ser ein før seg at denne igjen kan nyttast?

Ordførar svarte:

Det er Bowlingexperten som har levert anlegget i hallen, det er sjølv sagt ein del ting som ein bør oppgradera og eller utførast vedlikehald på, anlegget er 15 år. Hovudproblemet er at data anlegget ikkje er i orden, det har vore gjort ein del fjernstyrings hjelp frå Bowlingexperten for å prøva finna ut om det er håp for dette anlegget. Firmaet Bowlingexperten vurderer fleire måtar.

Å reparere? Finne eit gamalt anlegg og byte ut? Montere heilt nytt anlegg?

Kan dei reparera det no så vert det ei nødløysing, som er kortsiktig og dei kan ikkje garantera kor lenge det eventuelt vil vara. Dei har sjekka om dei kan finne eit brukt anlegg. Så langt har dei ikkje funne eit brukt som kan nyttast, men framleis kan dei koma over eit.

Skal det monterast heilt nytt anlegg, viser det førebelse tilbodet ein heilt anna pris enn det som er sett av i budsjettet. Dei kjem med eit førebelsstilbod på 567 050 kr. Eks. Mva.

Det kjem ein medarbeidar frå Bowlingexperten etter påske for å sjå om det i det heile er eit alternativ å reparera eksisterande dataanlegg. Dei vil samstundes sjå på kva anna vedlikehald som bør gjerast med anlegget. Reisekostnad og honorar til han som skal sjekke anlegget er stipulert til ein stad mellom 40 og 50 000 kr. Det kjem eit endeleg prisoverslag før påske på tur/arbeid og reise.

Spørsmål frå Kristin Aase (Ap)

Kan kommunestyret som tilsetjande organ få sjå søkjarlista?

Kva vurderingar har vore gjort i tilsetjingsprosessen?

I tidlegare tilsetjingar av rådmann/kommunedirektør har tilsetjingssaka vore lukka fram til kommunestyret har gjort sitt vedtak. Kvifor vart det ikkje gjort slik denne gongen?

Me kan ikkje sjå arbeidsavtalen som vedlegg i sakspapira. Kan me få lese den?

Ordførar svarte:

Kommunestyret kan få sjå den offentlege søkjarlista.

Det har vore gjort mange vurderingar i saka.

Saka har vore open, grunna at søkjaren var på offentlig søkjarliste.

Arbeidsavtalen er ikkje klar, det er ein standar KS avtale, når den er klar vil den verta kjent for kommunestyret.

K - vedtak:

Det vart ikkje fatta vedtak under eventuelt.